



Bosna i Hercegovina
Federacija Bosne i Hercegovine
Kanton Sarajevo
Sarajevo, Obala Kulina Bana 9
tel: +387 33 445 138
e-mail: nps@bih.net.ba
website: www.nps.ba

URED DIREKTORA
Sarajevo, 24.11.2008.godine

SAOPĆENJE ZA JAVNOST

TEATARSKA MISIJA, BOSANSKOHERCEGOVAČKA

Ansambli Narodnog pozorišta Sarajevo proveli su tri dana na gostovanju u Bosanskoj Krajini.

Nakon dvadesetak godina potpune suše, kad je u pitanju promicanje muzičkoscenske djelatnosti u Bosanskoj Krajini, Balet Narodnog pozorišta Sarajevo izveo je predstavu *Of-Of&Rahmanjinov*, u koreografiji i režiji Edine Papo u Pozorištu Prijedor i u Narodnom pozorištu Republike Srpske u Banja Luci.

Na oba ova gostovanja bila je primjetna želja domaćina da gostovanja sarajevskog baletnog ansambla budu što češća i da ne prođe ponovo „cijela vječnost“ do sljedećeg gostovanja. Dirljivi su bili susreti sa ljubiteljima baleta u oba ova krajiška grada, a u publici je primjećen veliki broj mladih ljudi...

U isto doba u Bihaću i u Prijedoru bila je izvođena predstava Drame Narodnog pozorišta Sarajevo *Ponoćna igra* u režiji Gradimira Gojera.

Ovaj komad Dubravka Jelačića Bužimskog sa izvanrednim glumcima Medihom Musliović i Izudinom Bajrovićem imao je snažan i dojmljiv kontakt sa publikom krajiških gradova.

Ponoćna igra igrana je u Bihaću u Centru za kulturu, a u Prijedoru na pozornici Prijedorskog pozorišta, najmlađeg profesionalnog teatra u Bosni i Hercegovini.

Gostovanje sarajevskog Baleta i Drame Narodnog pozorišta pratila je u Prijedoru izložba *Pozorišni plakat* Branka Dursuma, dok je u Bihaću održana promocija knjige direktora Narodnog pozorišta Sarajevo *Kaze iz Ferhadije*.

Izložbu u Prijedoru je otvorio direktor Prijedorskog pozorišta Zoran Baroš, koji je govorio, tom prilikom, o vezama između Prijedorskog pozorišta i Narodnog pozorišta Sarajevo.

PRESS SLUŽBA NARODNOG POZORIŠTA SARAJEVO

